

ხელშეკრულება სახელმწიფო შესყიდვის შესახებ № 28

წინამდებარე ხელშეკრულება დადებულია 30 იანვარი, 2019 წ.

1. ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1 „სახელმწიფო შესყიდვების შესახებ ხელშეკრულება“ (შემდგომ – „ხელშეკრულება“) - „სახელმწიფო შესყიდვების შესახებ“ საქართველოს კანონისა და „სახელმწიფო შესყიდვების განხორციელების წესის შესახებ“ დებულების საფუძველზე შემსყიდველ ორგანიზაციასა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2 „შემსყიდველი ორგანიზაცია“ (შემდგომ „შემსყიდველი“) ნიშნავს ორგანიზაციას (დაწესებულებას), რომელიც ახორციელებს შესყიდვას;
- 1.3 „მიმწოდებელი“ ნიშნავს იურიდიულ ან ფიზიკურ პირს, რომელმაც შემსყიდველთან გააფორმა ხელშეკრულება სახელმწიფო შესყიდვის შესახებ;
- 1.4 „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.5 „დღე“, „კვირა“, „თვე“ ნიშნავს კალენდარულ დღეს, კვირას, თვეს, თუ ხელშეკრულებით სხვა პირობა არ არის გათვალისწინებული.

2. ხელშეკრულების დამდები მხარეები

წინამდებარე ხელშეკრულება დადებულია:

ერთი მხრივ, ა(ა)იპ დედოფლისწყაროს მუნიციპალიტეტის სკოლამდელი და სკოლისგარეშე სააღმზრდელო ცენტრსა, (მისი დირექტორის მაია ყოჩიაშვილის სახით, შემდგომში „შემსყიდველი“, საიდენტიფიკაციო კოდი 228544046, მისამართი: ქ. დედოფლისწყარო, ფიროსმანის ქ N1) და

მეორე მხრივ, შ.პ.ს. „სახანძრო ტექნიკს“ (მისი დირექტორის გიორგი გიორგაძის სახით, შემდგომში „მიმწოდებელი“, ს/კ 400026654, მის: თბილისი, რჩეულიშვილის ქ. N3, ტელ: 574-733-377, ელ-ფოსტა: saxandzroteqnikil12@gmail.com, საქართველოს ბანკი, ა/ა BAGAGE22, GE57BG0000000746766700) შორის.

3. ხელშეკრულების საგანი

ხელშეკრულების საგანს წარმოადგენს “დაფუჭული მარცვლეული პროდუქტის, სახამებლისა და სახამებლის პროდუქტების“ (cpv15600000), მიწოდება დედოფლისწყაროს მუნიციპალიტეტის სკოლამდელი და სკოლისგარეშე სააღმზრდელო ცენტრის სისტემაში შემავალი ს/ბალებისა და ბ/ბალებისათვის NAT 190000314 ელექტრონული ტენდერის საშუალებით.

4. ხელშეკრულების ღირებულება

4.1 მისაწოდებელი საქონლის საერთო ღირებულება საქართველოს კანონმდებლობით დადგენილი ყველა გადასახადით (მათ შორის დ.ღ.გ.), ტრანსპორტირებით და ადგილზე მიტანით შეადგენს 7690,47 ლარს.

ა.(ა)ი.პ. დედოფლისწყაროს მუნიციპალიტეტის სკოლამდელი და სკოლისგარეშე სააღმზრდელო ცენტრის ფილიალების მისამართები :

N	ბაგა – ბალის დასახელება	მისამართი	მანძილი მუნიციპალიტეტის ცენტრიდან
1	ქ.დ/წყაროს N1 ბაგა –ბალი	ქ.დედოფლისწყარო, 9 ძმის ქ N14	–
2	ქ. დ/წყაროს N2 ბაგა–ბალი	ქ.დედოფლისწყარო, ჰერეთის II შეს. N4	–
3	ქ.დ/წყაროს N3 ბაგა–ბალი	ქ.დედოფლისწყარო, გომელაურის ქ. N 18	–
4	ქ.დ/წყაროს N4 ბაგა–ბალი	ქ.დედოფლისწყარო, ნიკორციხის ქ. N111	–
5	სოფ. სამრეკლოს ბაგა– ბალი	სოფ. სამრეკლო	2
6	სოფ. ხორნაბუჯის ბაგა –ბალი	სოფ. ხორნაბუჯი	2
7	სოფ. ზ/მაჩხაანის ბაგა– ბალი	სოფ. ზ/ მაჩხაანი	20
8	სოფ. არბოშიკის ბაგა– ბალი	სოფ. არბოშიკი	15
9	სოფ. მირზაანის ს/ბალი	სოფ. მირზაანი	18
10	სოფ. ოზაანის ბაგა–ბალი	სოფ. ოზაანი	15
11	სოფ. გამარჯვების ს/ბალი	სოფ. გამარჯვება	11
12	სოფ. ზ/ქედის N1 ბაგა–ბალი	სოფ. ზ/ქედი	45
13	სოფ. ზ/ქედის N2 ს/ბალი	სოფ. ზ/ქედი	47
14	სოფ.არხილოსკალის ბ/ბალი	სოფ. არხილოსკალი	50
15	სოფ. ქვ/ქედის ს/ბალი	სოფ. ქ/ქედი	55
16	სოფ. სამთაწყაროს ბაგა–ბალი	სოფ. სამთაწყარო	55
17	სოფ. ფიროსმანის ბაგა– ბალი	სოფ. ფიროსმანი	65

5. მხარეთა უფლება - მოვალეობანი

5.1 მიმწოდებელი ვალდებულია ხელშეკრულების გაფორმებიდან 2019 წლის 30 დეკემბრამდე, ორ კვირაში ერთხელ, მოთხოვნიდან არაუმეტეს 3 (სამი) კალენდარული დღის განმავლობაში, დასვენების დღეებისა და არდადეგების გარდა უზრუნველყოს პროდუქტის შეტანა დედოფლისწყაროს მუნიციპალიტეტის საბავშვო ბაღებსა და ბაგა – ბაღებში. იგი პასუხისმგებელია მიწოდებული საქონლის ხარისხზე, ვარგისიანობასა და დროულობაზე.

5.2 შემსყიდველი ორგანიზაცია ვალდებულია მიმწოდებლის მიერ ხელშეკრულებით ნაკისრი ვალდებულების სრულად და ჯეროვნად შესრულების შემთხვევაში აუნაზღაუროს მას შესყიდული საქონლის ღირებულება.

5.3 შემსყიდველი არ აგებს პასუხს მიმწოდებლის მიერ მესამე პირისთვის მიყენებულ ზიანზე ან ზარალზე.

5.4 შემსყიდველი არ აგებს პასუხს მიმწოდებლის მიერ მესამე პირის მიმართ ნაკისრ ვალდებულებებზე.

6. საქონლის მიღება – ჩაბარების წესი

საქონელი მიწოდებულად ჩაითვლება შესაბამისი პროდუქტის, მიღება – ჩაბარების აქტისა და საგადასახადო დოკუმენტების წარმოდგენის შემდეგ.

7. ხელშეკრულების შესრულების კონტროლი

მიმწოდებლის მიერ სახელმწიფო შესყიდვების შესახებ ხელშეკრულებისა და მასში შემავალი დოკუმენტების პირობების შესრულებაზე კონტროლს განახორციელებს სააღმზრდელო ცენტრის დირექტორის ბრძანების საფუძველზე გამოყოფილი ინსპექტირების ჯგუფი.

8. ანგარიშსწორება

8.1 ანგარიშსწორება მიმწოდებელთან განხორციელდება ლარებში.

8.2 ანგარიშსწორება მოხდება შესაბამისი მიღება – ჩაბარების აქტისა და საგადასახადო დოკუმენტების წარმოდგენიდან 10 (ათი) სამუშაო დღის განმავლობაში:

8.3 ანგარიშსწორების ფორმა იქნება უნაღდო. გადარიცხვა მოხდება მიმწოდებლის საბანკო ანგარიშზე.

9. სტანდარტები

პროდუქტის ხარისხი უნდა შეესაბამებოდეს საქართველოს მთავრობის 2017 წლის 30 ოქტომბრის N487 დადგენილების ტექნიკური რეგლამენტის „ადრეული და სკოლამდელი აღზრდისა და განათლების დაწესებულებებში კვების ორგანიზებისა და რაციონის კვებითი ღირებულების ნორმების დამტკიცების შესახებ“ და საქართველოს შრომის, ჯანმრთელობისა და სოციალური დაცვის მინისტრის 2001 წლის 16.09.N 301/ნ ბრძანების „სასურსათო ნედლეულისა და კვების პროდუქტების ხარისხისა და უსაფრთხოების სანიტარული წესები და ნორმების“-ს მოთხოვნებს, კერძოდ: საკვები პროდუქტების ყოველი პარტია უნდა შეესაბამებოდეს არსებულ ნორმატიულ –ტექნიკურ დოკუმენტაციას, ხარისხისა და უსაფრთხოების მაჩვენებლებს და დამოწმებული უნდა იყოს დამამზადებლის მიერ ხარისხის მოწმობით (შესაბამისობის სერტიფიკატით). დედანი წარმოდგენილ იქნეს სააღმზრდელო ცენტრში, ხოლო ასლები - საბავშვო ბაღებში.

პროდუქტის დაფასოება და შეფუთვა უნდა უზრუნველყოფდეს ხარისხისა და უსაფრთხოების შენარჩუნებას. ასევე, ტრანსპორტირებისას დაცული უნდა იქნეს სანიტარული წესები და ნორმები, კერძოდ:

1) ტრანსპორტირება უნდა ხორციელდებოდეს სპეციალურად ამ მიზნისათვის გამოყოფილი ტრანსპორტით, ნიშანდებული ტარის გამოყენებით. ტარა უნდა იყოს სუფთა და დაუზიანებელი.

2) ტრანსპორტირებისას დაცული უნდა იქნეს სხვადასხვა სახის სასურსათო ნედლეულისა და საკვები პროდუქტების ერთიმეორისგან განცალკევების წესი, ხოლო პროდუქტი – კონტეინერებში მოთავსებული.

ა) ორგანიზაცია – დამამზადებლის დასახელება.

ბ) ვარგისიანობა – გამოშვების თარიღი.

3) დაუშვებელია საკვები პროდუქტების, სასურსათო ნედლეულის რეალიზაცია:

ა) ხარისხისა და უზრუნველყოფის სფეროში სანიტარულ წესებთან და ნორმებთან შეუსაბამობით.

ბ) ვარგისიანობის ვადის გასვლის შემდეგ.

გ) ტრანსპორტირებისა და რეალიზაციის სათანადო პირობების დარღვევისას.

დ) ნიშანდებას დაქვემდებარებული ეტიკეტის გარეშე.

10. ფასები

10.1 წინამდებარე ხელშეკრულების მე-4 პუნქტში დაფიქსირებული შესასყიდი საქონლის ფასი წარმოადგენს ხელშეკრულების ღირებულებით პარამეტრს.

10.2 ხელშეკრულების ღირებულებითი პარამეტრის შეცვლა ხელშეკრულების მოქმედების მთელი პერიოდის განმავლობაში დასაშვებია საცალო ფასის (გასაწევი მომსახურების განსაზღვრული ფასის) გაზრდის ან შემცირების, ინფლაციის მაღალი დონის, სავალუტო კურსის მნიშვნელოვანი ცვლილების, საგადასახადო რეჟიმის შეცვლისა და საქართველოს სამოქალაქო კოდექსის 398-ე მუხლში გათვალისწინებული პირობების შემთხვევაში, თუ აღნიშნული ცვლილებები არ გამოიწვევს ხელშეკრულების პირობების გაუარესებას შემსყიდველი ორგანიზაციისათვის.

11. ხელშეკრულებაში ცვლილებების შეტანა

11.1 ხელშეკრულების დამდებ არც ერთ მხარეს არ აქვს უფლება ცალმხრივად შეცვალოს ხელშეკრულების პირობები.

11.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია. ამავე დროს, შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

11.3 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

12. უფლებების გადაცემა

მიმწოდებელს არა აქვს უფლება შემსყიდველის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობანი.

13. ფორს-მაჟორი

13.1 ხელშეკრულებების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას და მიმწოდებლისათვის ხელშეკრულების შესრულების გარანტიის დაუბრუნებლობას.

13.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, ან სტიქიური მოვლენებით, ეპიდემიით, კარანტინით და ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

13.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე

არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოინახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

14. მხარეთა პასუხისმგებლობა ხელშეკრულების პირობების დარღვევისათვის

14.1 სახელმწიფო შესყიდვის შესახებ ხელშეკრულების მოქმედების პერიოდში მხარეთა მხრიდან ხელშეკრულებით გათვალისწინებული ვადების დარღვევის შემთხვევაში მათ დაეკისრებათ პირგასამტეხლო ყოველ ვადაგადაცილებულ დღეზე შესასრულებელი ვალდებულების შესაბამისი ღირებულების 0,02 %-ის ოდენობით.

14.2 საჯარიმო სანქციების გადახდა არ ათავისუფლებს მხარეებს ძირითადი ვალდებულებების შესრულებისაგან.

15. ხელშეკრულების შეწყვეტა

15.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ.

15.2 ხელშეკრულების დამდები მხარე, რომელიც მიიღებს ასეთ გადაწყვეტილებას, ვალდებულია არაუგვიანეს ერთი თვით ადრე შეატყობინოს მეორე მხარეს მიღებული გადაწყვეტილება, მისი მიღების საფუძველი და ამოქმედების თარიღი.

15.3 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

15.4 ხელშეკრულების შეწყვეტა პირობების დარღვევის გამო არ ათავისუფლებს მიმწოდებელს ხელშეკრულების შეუსრულებლობისათვის გათვალისწინებული პასუხისმგებლობისაგან.

15.5 შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ბ) საქართველოს კანონმდებლობით გათვალისწინებულ სხვა შემთხვევებში.

15.6 ამ მუხლის მე-5 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად მიწოდებული საქონლის ღირებულება.

16. დავების გადაწყვეტის წესი

16.1 ხელშეკრულების დამდები მხარეები თანხმდებიან მასზედ, რომ ყველა ღონეს იხმარენ, რათა პირდაპირი არაოფიციალური მოლაპარაკებების მეშვეობით შეთანხმებით მოაგვარონ ნებისმიერი უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული საკითხების ირგვლივ.

16.2 თუ შემსყიდველი და მიმწოდებელი ვერ შესძლებენ სადაო საკითხების შეთანხმებას, ნებისმიერ მხარეს დავის გადაწყვეტის მიზნით შეუძლია დადგენილი წესით მიმართოს საქართველოს სასამართლოს.

17. სხვა პირობები

17.1 წინამდებარე ხელშეკრულება ძალაშია ხელმოწერის დღიდან და მოქმედებს 2020 წლის 30 იანვრამდე.

17.2 საქონლის მიწოდების ვადებია ხელშეკრულების გაფორმებიდან 2019 წლის 30 დეკემბრამდე.

17.3 ხელშეკრულება შედგენილია ქართულ ენაზე 2 ეგზემპლარად და ორივეს აქვს თანაბარი იურიდიული ძალა.

შემსყიდველი ორგანიზაცია:

ა(ა)იპ დედოფლისწყაროს მუნიციპალიტეტის
სკოლამდელი და სკოლისგარეშე
საადმინისტრაციო ცენტრი
დირექტორი მაია ყოჩიაშვილი

მიმწოდებელი :

შ.პ.ს. „სახანძრო ტექნიკი“

დირექტორი
გიორგი გიორგაძე